

ZAPISNIK

sa prve redovne sjednice Privremenog Upravnog odbora Univerziteta u Tuzli održane u četvrtak 17.09.2020.godine sa početkom u 13,15 sati u Amfiteatru A2 Rektorata Univerziteta u Tuzli

Sjednici su prisustvovali: predsjednica Privremenog Upravnog odbora Senada Karajbić, dipl.pravnik te članovi: dr.sci. Senaid Hadžić, red.prof., dr.sci. Redžo Butković, docent, Rasema dr. Novalić, dr.sci. Sandira Eljšan, red.prof, dr.sci. Zehrudin Osmanović, red.prof. i dr.sci. Franc Andrejaš, vanr.prof.

Sjednici nisu prisustvovali: dr.sci.Haris Huseinagić, i Noris Sakić,student.

Osim članova Upravnog odbora sjednici je prisustvovala: rektorica dr.sci. Nermina Hadžigrahić,red.prof., generalni sekretar Jasmina Berbić,dipl.pravnik, šef Službe za pravne, kadrovske i opšte poslove Šejla Fazlić, dipl.pravnik i Direktor za ekonomske poslove Husein Matović, dipl.ecc.

Predsjednica Privremenog Upravnog odbora je konstatovala da su ispunjeni svi uslovi za rad i odlučivanje na sjednici, te je otvorila 1. redovnu sjednicu Privremenog Upravnog odbora.

Predsjednica Privremenog Upravnog odbora izvjestila je članove da je dr.sci. Izet Žigić, dostavio Izjavu da odustaje od podnesenog Zahtjeva za zaštitu prava i predložila da se sa predloženog dnevnog reda 1. redovne sjednice skine tačka 7.3. „Razmatranje Zahtjeva za zaštitu prava dr.sci. Izeta Žigića, red.prof., izjavljenog na Odluku o prestanku ugovora o radu broj: 01-3412-1/20 od 23.07.2020.godine". Predsjednica je nadalje predložila da se sa predloženog dnevnog reda skine i tačka 8."Razmatranje Molbe Ženske odbojkaške Akademije Mikasa za odobrenje korištenja Univerzitetske dvorane bez nakande broj:04-4029-1/20 od 10.09.2020. godine", obzirom da nisu ispunjeni uslovi za njeno razmatranje.Takođe je predložila da se dnevni red dopuni tačkom 12. "Razmatranje anonimne predstavke". Nakon provedene rasprave, jednoglasno je za ovu sjednicu utvrđen sljedeći

DNEVNI RED:

1. Usvajanje zapisnika sa 2. redovne sjednice i 3.vanredne sjednice Upravnog odbora
2. Donošenje Pravilnika o izmjeni Pravilnika o radu Univerziteta u Tuzli (Prečišćeni tekst)
(Izjesticilac: Šef Službe za pravne, kadrovske i opšte poslove).
3. Donošenje Odluke o stavljanje van snage Poslovnika o radu NNV/UNV-a fakulteta/Akademije Univerziteta u Tuzli
(izjesticilac: Generalni sekretar)
4. Donošenje Odluke o izmjeni Odluke o iznosu participacije i školarine u troškovima na sva tri ciklusa studija na fakultetima/Akademiji Univerziteta u Tuzli u ak. 2020/21. godini
(Izjesticilac: Generalni sekretar)
5. Davanje prethodne saglasnosti na Prijedlog Odluke o izmjeni i dopuni Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na prvom, integriranom prvom i drugom i drugom ciklusu studija u ak. 2020/21. godini
(izjesticilac: direktor za ekonomske poslove)
6. Davanje prethodne saglasnosti na Prijedlog Odluke o izmjeni Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na trećem ciklusu studija u ak. 2020/21. godini
(izjesticilac:direktor za ekonomske poslove)
7. Razmatranje Zahtjeva za zaštitu prava:
 - 7.1. ██████████, izjavljenog na Rješenje o utvrđivanju koeficijenta za obraču plaće broj: 01-2480-204/20 od 05.06.2020. godine
 - 7.2. ██████████, red.prof., izjavljenog na Odluku Senata Univerziteta broj: 03-3005-1-6/20 od 08.07.2020. godine
 - 7.3. ██████████, izjavljenog na Pismeno upozorenje broj: 01-2484-4/20 od 29.06.2020. godine
(Izjesticilac: Šef Službe za pravne, kadrovske i opšte poslove).
8. Razmatranje Molbe ██████████ za prelazak sa Medicinskog fakulteta Univerziteta u Zenici na Medicinski fakultet Univerziteta u Tuzli broj: 04-3928-1/20 od 07.09.2020. godine

9. Razmatranje Preporuke sindikata broj: 04-3419-1/20 od 24.07.2020.godine.
10. Razmatranje Informacije Rektorice po Zaključku Upravnog odbora broj: 04-2398-1-12720 od 04.06.2020. godine
(izvjestilac: Rektorica dr.sci. Nermina Hadžigrahić, red.prof.)
11. Davanje ovlaštenja za odlučivanje o pravima i obavezama iz radnog odnosa Rektorice.
(Izvjestilac: Šef Službe za pravne, kadrovske i opšte poslove).
12. Razmatranje anonimne prestavke.

TAČKA 1. Usvajanje zapisnika sa 2. redovne sjednice i 3.vanredne sjednice Upravnog odbora
Zapisnici sa 2. redovne i 2. vanredne sjednice Upravnog odbora, usvojeni su jednoglasno.

TAČKA 2. Donošenje Pravilnika o izmjeni Pravilnika o radu Univerziteta u Tuzli (Prečišćeni tekst)

Šef Službe za pravne, kadrovske i opšte poslove obrazložila je članovima Privremenog Upravnog odbora razloge za donošenje izmjene Pravilnika o radu (Prečišćeni tekst) te kako je resorno Ministarstvo dostavilo pozitivno Mišljenje na Prijedlog Pravilnika i kako su obavljenje konsultacije sa reprezentativnim Sindikatom, Privremeni Upravni odbor Univerziteta u Tuzli donio je

PRAVILNIK O IZMJENI PRAVILNIKA O RADU UNIVERZITETA U TUZLI -Prečišćeni tekst

Član 1.

U Pravilniku o radu Univerziteta u Tuzli - Prečišćen tekst (broj: 04-295-1-3/20 od 21.01.2020.godine i broj: 04-2398-1-4/20 od 04.06.2020. godine), u članu 17. stav (2) tačka a) se mijenja i glasi:

"a) otkaza sa ponudom izmjenjenog ugovora o radu ukoliko radnik za to novo radno mjesto ispunjava uvjete u pogledu stručne spreme i radnog iskustva, osim izmjene u pogledu trajanja ugovora o radu".

Član 2.

Ovaj Pravilnik stupa na snagu osmog dana od dana njegovog objavljivanja na oglasnoj tabli Univerziteta u Tuzli.

TAČKA 3. Donošenje Odluke o stavljanje van snage Poslovnika o radu NNV/UNV-a fakulteta/Akademije Univerziteta u Tuzli

Generalni sekretar upoznala je članove Privremenog Upravnog odbora da je Senat Univerziteta u Tuzli u okviru svojih nadležnosti donio novi Poslovnik o radu NNV/UNV fakulteta/Akademije, te kako je donosilac ranijeg Poslovnika bio Upravni odbor, predloženo je da se donose Odluka njegovom stavljanju van snage. Privremeni Upravni odbor Univerziteta u Tuzli, na sjednici održanoj 17.09.2020.godine, donio je

ODLUKU

Poslovnik o radu naučno-nastavnog/umjetničko-nastavnog vijeća fakulteta/Akademije JU Univerzitet u Tuzli broj: 04-38-5954/01-5 od 04.12.2001. godine stavlja se van snage sa 08.07.2020. godine.

TAČKA 4. Donošenje Odluke o izmjeni Odluke o iznosu participacije i školarine u troškovima na sva tri ciklusa studija na fakultetima/Akademiji Univerziteta u Tuzli u ak. 2020/21. godini
Generalni sekretar upoznala je članove Privremenog Upravnog odbora da je izmjenjen Zakon o

dopunskim pravima branilaca i članova njihovih porodica Tuzlanskog kantona kao i da je u vezi sa tim donesena Odluka Vlade TK o uslovima, kriterijima i postupku ostvarivanja prava na beneficiju za upis u novu studijsku/akademsku godinu broj: 02/1-02-015052/20 od 04.08.2020. godine („Službene novine TK“, broj: 13/20). Nakon provedene rasprave, Privremeni Upravni odbor Univerziteta u Tuzli donio je

ODLUKU
o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2020/21. godini

Član 1.

U Odluci o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2020/21. godini broj: 04-2700-1-1/20 od 18.06.2020.godine član 4. mijenja se i glasi:

"Član 4.

Redovni studenti koji su stekli status studenta prve godine u prethodnim akademskim godinama, a koji se sami finansiraju, u akademskoj 2020/21. godini plaćaju školarinu u skladu sa zakonom, Statutom i ovom Odlukom."

Član 2.

U članu 8. stav (1) se briše.

Član 3.

Ova Odluka stupa na snagu na snagu danom donošenja.

TAČKA 5. Davanje prethodne saglasnosti na Prijedlog Odluke o izmjeni i dopuni Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na prvom, integriranom prvom i drugom i drugom ciklusu studija u ak. 2020/21. godini

Direktor za ekonomske poslove upoznao je članove Privremenog Upravnog odbora da je zbog smanjenja cijene goriva, rektorica utvrdila Prijedlog Odluke o izmjenama i dopunama Odluke o utvrđivanju elemenata za izradu ugovora o angažovanju spoljnjih saradnika u izvođenju nastave prvom, integriranom prvom i drugom te drugom ciklusu studija, a za čije donošenje je potrebna prethodna saglasnost Upravnog odbora.

Nakon provedene rasprave, Privremeni Upravni odbor Univerziteta u Tuzli, donio je :

ODLUKU
o davanju prethodne saglasnosti

I

Daje se prethodna saglasnost na Prijedlog Odluke broj: 09-3823.1.1/20 od 03.09.2020.godine o izmjeni i dopuni Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na prvom, integriranom prvom i drugom te drugom ciklusu studija na fakultetima/Akademiji Univerziteta u Tuzli sa primjenom od akademske 2019/20. godine broj: 01-4953/19 od 26.09.2019. godine.

II

Ova Odluka stupa na snagu danom donošenja.

i

ZAKLJUČAK

Predlaže se Rektorici Univerziteta da, u koordinaciji sa Direktorom za ekonomske poslove Univerziteta, sagleda mogućnosti za povećanje iznosa naknada za izvođenje vježbi spoljnjih saradnika.

TAČKA 6. Davanje prethodne saglasnosti na Prijedlog Odluke o izmjeni Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na trećem ciklusu studija u ak. 2020/21. godini

Kao i kod prethodne tačke Direktor za ekonomske poslove upoznao je članove Privremenog Upravnog odbora o razlozima Prijedloga Odluke o izmjeni i dopunama Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na trećem ciklusu studija, a za čije donošenje je potrebna prethodna saglasnost Upravnog odbora, nakon čega je Privremeni Upravni odbor Univerziteta u Tuzli donio

ODLUKU o davanju prethodne saglasnosti

I

Daje se prethodna saglasnost na Prijedlog Odluke broj: 09-3823.1.1/20 od 03.09.2020.godine o izmjeni i dopuni Odluke o utvrđivanju elemenata za izradu ugovora o angažovanju spoljnjih saradnika u izvođenju nastave na prvom, integriranom prvom i drugom te drugom ciklusu studija na fakultetima/Akademiji Univerziteta u Tuzli sa primjenom od akademske 2019/20. godine broj: 01-4953/19 od 26.09.2019. godine.

II

Ova Odluka stupa na snagu danom donošenja.

TAČKA 7. Razmatranje Zahtjeva za zaštitu prava:

TAČKA 7.1. [REDAKCIJA], izjavljenog na Rješenje o utvrđivanju koeficijenta za obračun plaće broj: 01-2480-204/20 od 05.06.2020. godine

Šef Službe za pravne, kadrovske i opšte poslove ukratko je upozнала članove Privremenog Upravnog odbora sa sadržajem Zahtjeva [REDAKCIJA] te objasnila način utvrđivanja koeficijenta za obračun plaće propisan opštim aktom Univerziteta. Nakon provedene rasprave, Privremeni Upravni odbor Univerziteta u Tuzli donio je

ODLUKU

I

Zahtjev za zaštitu prava radnika [REDAKCIJA] broj: 04-3017-1/20 od 06.07.2020. godine, izjavljen na Rješenje Rektorice Univerziteta u Tuzli o izmjeni Rješenja o utvrđivanju koeficijenta za obračun plaće broj: 01-2480-204/20 od 05.06.2020. godine, odbija se kao neosnovan.

II

Ova Odluka je konačna.

i

ZAKLJUČAK

I

Pokreće se inicijativa za dopunu Pravilnika o plaćama, naknadama i drugim primanjima zaposlenika Univerziteta u Tuzli uvođenjem odredbe kojom će se propisati mogućnost stimulacije

radnika Univerziteta uvećanjem plaće, te definisati uslovi, postupak i iznos stimulacije plaće.

II

Za realizaciju ovog Zaključka zadužuju se stručne službe Univerziteta u Tuzli.

TAČKA 7.2. [REDAKCIJA] izjavljenog na Odluku Senata Univerziteta broj: 03-3005-1-6/20 od 08.07.2020. godine

Šef Službe za pravne, kadrovske i opšte poslove ukratko je upoznala članove Privremenog Upravnog odbora sa sadržajem Zahtjeva [REDAKCIJA], Odlukom Senata Univerziteta broj: 03-3005-1-6/20 od 08.07.2020. godine, te relevantnim odredbama Zakona o visokom obrazovanju TK i Statuta Univerziteta. Nakon provedene rasprave, Privremeni Upravni odbor Univerziteta u Tuzli donio je

ODLUKU

I

Zahtjev za zaštitu prava [REDAKCIJA] broj: 04-3420-1/20 od 23.07.2020. godine, izjavljen na Odluku Senata Univerziteta u Tuzli broj: 03-3005-1-6/20 od 08.07.2020. godine, odbija se kao neosnovan.

II

Ova Odluka je konačna.

TAČKA 7.3. [REDAKCIJA], izjavljenog na Pismo upozorenje broj: 01-2484-4/20 od 29.06.2020. godine

Nakon provedene rasprave po ovoj tački dnevnog reda, Privremeni Upravni odbor Univerziteta u Tuzli donio je

ODLUKU

Usvaja se Zahtjev za zaštitu prava [REDAKCIJA] broj: 04-3492-1/20 od 29.07.2020. godine izjavljen na Pismo upozorenje broj: 01-2484-4/20 od 29.06.2020. godine, pa se isto poništava.

TAČKA 8. Razmatranje Molbe [REDAKCIJA] za prelazak sa Medicinskog fakulteta Univerziteta u Zenici na Medicinski fakultet Univerziteta u Tuzli broj: 04-3928-1/20 od 07.09.2020. godine

Cijeneći navode iz Prigovora [REDAKCIJA] broj: 04-3928-1/20 od 04.06.2020. godine, Privremeni Upravni odbor Univerziteta u Tuzli, donio je

ZAKLJUČAK

I

Budući da odlučivanje po prigovorima studenata nije u nadležnosti Upravnog odbora Univerziteta u Tuzli, a cijeneći navode iz Prigovora [REDAKCIJA] broj: 04-3928-1/20 od 04.06.2020. godine, zadužuje se Rektorica Univerziteta u Tuzli da, kao neposredni rukovodilac, zatraži od Dekanice Medicinskog fakulteta da se izjasni po navodima podnositeljice predmetnog Prigovora te, ukoliko utvrdi da su navodi osnovani, Dekanica donese odgovarajući upravni akt u pogledu forme i sadržaja.

II

Ovaj Zaključak stupa na snagu daom donošenja.

TAČKA 9. Razmatranje Preporuke sindikata broj: 04-3419-1/20 od 24.07.2020.godine.

Članovi Privremenog Upravnog odbora upoznali su se sa sadržajem Preporuke sindikata broj: 04-

3419-1/20 od 24.07.2020.godine.Po ovoj tački nije bilo rasprave.

TAČKA 10. Razmatranje Informacije Rektorice po Zaključku Upravnog odbora broj: 04-2398-1-12720 od 04.06.2020. godine

U vezi sa Zaključkom Vlade Tuzlanskog kantona broj: 02/1-04-7593-1/20 od 27.05.2020. godine i Zahtjevom Ministarstva obrazovanja i nauke Tuzlanskog kantona broj: 10/1-34-11433/20 od 02.06.2020. godine, Privremeni Upravni odbor Univerziteta u Tuzli donio je

ZAKLJUČAK

I

Prihvata se Informacija Rektorice Univerziteta broj:04-2398-1-12-1/20 od 21.07.2020. godine o razlozima zbog čega na svim organizacionim jedinicama Univerziteta u Tuzli nije organizirana online nastava na unificiranoj platformi.

II

Informacija iz tačke I ovog Zaključka dostavit će se Vladi Tuzlanskog kantona i Ministarstvu obrazovanja i nauke Tuzlanskog kantona.

TAČKA 11. Davanje ovlaštenja za odlučivanje o pravima i obavezama iz radnog odnosa Rektorice.

Na osnovu člana 93. stav (2) Zakona o visokom obrazovanju („Službene novine Tuzlanskog kantona" broj: 7/16, 10/16, 5/17, 15/17, 15/19 i 9/20), Privremeni Upravni odbor Univerziteta u Tuzli, donio je

ODLUKU

I

Daje se ovlaštenje Senadi Karajbić, dipl.pravniku, predsjednici Privremenog Upravnog odbora Univerziteta u Tuzli, za donošenje pojedinačnih akata kojima se odlučuje o pravima i obavezama iz radnog odnosa Rektorice, u skladu sa zakonom i opštim aktima Univerziteta.

U slučaju odsutnosti ili spriječenosti predsjednice Privremenog Upravnog odbora, ovlašćuje se član Privremenog Upravnog odbora dr.sci. Sandira Eljšan, redovni profesor.

II

Ova Odluka stupa na snagu danom donošenja.

TAČKA 12. Razmatranje anonimne predstavke.

Nakon razmatranja anonimne predstavke dostavljene aktom Komisije za borbu protiv korupcije Tuzlanskog kantona broj: 02-45-369-2/20 od 03.08.2020. godine i aktom Inspektorata za obrazovanje, nauku, kulturu i sport Tuzlanskog kantona broj: 17/4-VI-34-006592/20 od 26.06.2020. godine, i usmenog Izjašnjenja Rektorice Univerziteta na navode iz predstavke, Privremeni Upravni odbor Univerziteta u Tuzli donio je

ZAKLJUČAK

I

Prihvata se Izjašnjenje Rektorice Univerziteta na navode iz anonimne predstavke dostavljene aktom Komisije za borbu protiv korupcije Tuzlanskog kantona broj: 02-45-369-2/20 od 03.08.2020. godine i aktom Inspektorata za obrazovanje, nauku, kulturu i sport Tuzlanskog kantona broj: 17/4-VI-34-006592/20 od 26.06.2020. godine.

II

Zadužuje se Rektorica Univerziteta u Tuzli da svoje Izjašnjenje po anonimnoj predstavi, u što

kraćem roku, dostavi Upravnom odboru Univerziteta u Tuzli u pisanoj formi.

Sjednica je završila u 15 sati i 10 minuta.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-4038-1/20

Tuzla, 17.09.2020.godine

PREDSJEDNICA
PRIVREMENOG UPRAVNOG ODBORA

Senada Karajbić, dipl.pravnik